



懼菴集一

詩

廿五

へ16
2334
1



和
2334
卷一五



惺庵先生文集序



予都我晦翁去子稱道之節也
立之生於是邦固幸矣
正考右文野無遺逸則士之生
於時亦幸矣公以林下書生
承 特命八侍候殿以節用

民為蠶即辭悖劬書飭行八十
年如一日盡節猶惟庵李先生
也於觀其遺集有思飢吟曰
性疎慵飢固宜飢其莫若思之
為細思一切人間事羞辱多從
不忍飢古今為學者每坐物累

飢妨棄而公有飢守而無飢
則其志深之專可為也赴
名
於曰白頭行危冒炎威為重
恩招不敢違一以天門其美後
將期應在菊花時為士者孰而
知不仕無義而鮮有不輕去

惺者于時 明王在上禮招謹
重公安得不出而出去之日已
決其始則公之所樂在此而不
在彼可多也惺庵銘曰情或妄
動從欲是惺口或妄言興或
是惺時公已六十餘矣尚存以戒

惺如此則其省察克治之功又
多乎已烏虜以公行誼之篤學
術之醇一經登第退老邱壑終
不克展寃蘊抱何也一方士友
之負笈公門者蓋多彬彬之文學
之士則公之絀步時若欲成統

此一事邴又于毅而為文理服
而辭婉不欲蹈襲俗士軌範
而冲澹典雅有瀛洛菽粟之
味後之為論者即此而求公則
天使公百世而不可朽者其視一
時炫燿竟何如哉吾黨諸君子

樂為之相于役而將付諸剞劂
氏公之從弟樹文曾孫宗彬甫
請余以弁卷彙寧豈能言者哉
昔而先祖文純公祠版之過都
也自 上遣官致祭是時京鄉
搢紳莫不以有事為榮而公以

考工即與焉有為若詩左集中
欽祗莊誦竊有感焉道不敢辭
乃為之序嘉善大夫副護軍真
城李彙寧謹序

懼庵先生文集目錄

卷第一

詩

畫

逍遙

夏日偶吟

下雞雛

巢燕

忍飢

挽農窩權丈爾麟

懼庵先生文集目錄

挽李戚五應奎東

挽族叔速賢

奉別金府尹尚集

挽辛文命社

挽李文文鐸

送別曲江倅葉西權公櫟

并序

挽崔進士天翼

挽李瞿軒裕中

挽族叔觀臣

敬次湖叟公韻贈鄭若水

挽活山南公龍萬

次活山南公題先祖殉節事蹟韻

旌贈日次館學諸生韻

次藥南李文憲洛玉院耆老會韻并序

安幕洞煮蕨會二首并序

見石工斲石偶詠碑役時

次玉山會中韻

次地主林公濟遠盤龜臺韻

憶從弟嚮五樹福

謹次徐參判仁忠贈職慶讌韻

訪安國寺仍上西菴

又呈從兄樹勳

丙午元朝有感

次虎溪書堂韻

次申義士虬年行蹟韻

挽孫亨甫應龜二首

釜谷煮蕨會二首

次權君昌植山齋韻三首

挽鄭蒙巖燻六首

不如深閉戶二首

病裏惜春

春日遣懷

梅二首

謾興寓大朴時

挽徐丈

次無名翁崔丈柱泰暗谷溪亭韻

吾所居屋子歲久頽廢止詠一絕以道懷

青蓮菴與權進士太初運標夜話占燈字

翼日夜李孟涵鼎容又來同話用前韻以示

是夜又與太初用魚字韻述懷二首

目錄

三綱祠奉安日謹次先輩韻

朝起見積雪詠懷

遣懷

懷友人回文體

丁未三月自巡營特念文武科生進之最貧

者給米以濟之僕亦與焉笑詠一絕

見前路走市人馬有感

詠屋後柿木

次蔡光汝墳菴落成韻二首

饑歲窮春憶從弟

課兒初學

見老翁老婦摘麥古體

東都懷古和李用晦養吾韻

次金進士龍翰韻

次成興海大中詠花藏幽居韻

次鄭忠臣大業丙子赴亂時遺家人詩韻

滯雨客舍遣悶

奉別金巡相尚集韻

避暑乘月夜行和孫肅玉星岳韻二首

季夏望到墳菴權太初見訪仍吟一絕索和

奉呈八峯李文憲沈三首

見童子捕蟬

挽權丈爾鳳三首

夏日北牕對客詠清風

次商山祠奉安時韻

戊申元朝五十吟四首

贈金正郎復仁行中

病疽詩

閉門

贈族弟道叔樹敏二首

經霖客舍歸路入東江書院

挽李定叟憲鎮

病起惜春去二首

入玉山敬玩遺蹟有詠六首

五月初共客入玉山

遣寂

寓中謾吟

喜晴

挽李孟涵二首

挽李參判憲默四首

挽李進士大集鼎勳

重五日權正郎益謙崔正言仲蘊要不佞作

玉山遊聊吟一律

訪東山孫丈升九翼日為雨阻夏畱一日

挽徐舜甫 二首

挽李文鼎宅

挽族叔翼龍二首

兒病

挽權文爾復

庚戌元朝遣懷

吟示李童君實二首

尋道德菴翼日遇雲

懷忍窩族父述賢

聽村翁話舊

挽李審窩敦中

挽李小峯憲銓

省先妣墳塋

摘新麥

白沙崔公墓道豎碑日後孫翰汝有韻和呈

乞梅

懼庵文集目錄
種梅後次權翁韻

庚戌八月東山孫丈與李用晦相逢於玄風

試邑不佞適至次用晦韻并呈東山翁

和藥南翁太平感 恩歌并序

茅屋

和權太初書堂十景韻

辛亥元朝遣懷

敬次從兄樹德寓中見寄韻

題畫扇

次林明府濟遠春日吟呈別筵

次柳進士榮魯韻詠龜院壇杏樹二首

清窩李公景漢墓碣改豎日吟呈姓孫會席

挽藥南李公

挽李都事 時逸

癸丑立春日龜院會中和權太初韻三首

次孫肅玉贈李臧行真韻

欲赴親知約會坐無馬未果吟成一絕

次忍窩族父和汶亭會中韻

遣憫

挽三從祖益初二首

懼齋文集目錄
赴親知約會歸後覺誤乘他騎為之一笑親知之聞者有或傳笑謾詠數絕聊以解嘲

詠 御賜濟衆丹

到汶亭偶吟

深夜枕邊聞兒子誦書聲喜詠一絕

謾詠

挽李正字鼎牧

挽朴汝明熙百二首

挽辛戚丈吳

題贈聞韶申生堪輿書卷末

詠十月菊

十二月朔考講後吟一絕

病妻織布

兒子加冠日有感兼示訓意三首

帶兒子醮行憶先人遺藁句語不勝感懷

卷第二

詩

挽李僉樞憲復

寄贈崔生乞竹

敬題圃隱先生畫像粧帖後并序

懶庵文集目錄
挽鄭縮窩一銓

濫入道薦承 召命將赴京次孫肅玉韻

赴 召中路吟一絕

筵對退後有吟二首

筵對後歸路有吟

歸路承 除授之命回馬赴京吟一絕言志

入仕日吟一絕

入直時馬上口占一律

直中遣懷二首

贈李掌令養重鎮宅二首

余所掌在假監之職故詠一絕以自嘲

親舊以泮主之貧勸移他所仍吟一絕

訪族弟李海南顯甫旅館顯甫拈示門字韻

要余步贈卽以塞請

退溪先生祠板歷抵京城自 上致祭樹仁

濫廁執事之列欽覩縟儀詠近體一首

菊

黃紫二菊吟

謾詠

尚州李典籍瑛除咸鏡都事將赴任不佞未

克送別追和李監察秉烈贈詩韻以慰之
客愁

數番入直後歸意已浚而聞一臺官以僮侗
等語見加故不覺一笑仍成二絕

見家書

乘歸

在京時孫肅玉步前韻寄贈鄭進士晦而見
亦次是韻同贈未卽和歸後謹次以謝

挽鄭丈一鑽

挽李命安鼎凝三首

鄭府尹元猷有詩五絕以詠朴君時平世德
朴君要余追步別爲五言古風以塞其請

挽李汝清憲白

挽權聖文鼎煥

烏石亭

忍窩族父閔制後詠一絕以示余忘拙以和

次李戚洛應奎五見贈韻

次崔生見贈韻

題聖畱窟片石

玉院會中次南子雲景采韻

翼日將罷歸

挽權益謙五首

挽李丈洛範

九月十六日卽吾生朝而今年又是回甲也

兒子爲設壽酌有感詠懷

次旂隱權君範龜韻三首

奉和尚忠祠奉安時會中韻

哭崔卿玉歸路口占

謹次是菴任公華世墓道豎碣時韻

挽李參議鼎德

謝孫肅玉贈青竹杖

挽畸窩李文象遠

挽族弟道叔四首

庚申除夜詠懷

見年少局戲書示一絕以戒

孤坐謾吟

次李用晦韻二首

挽權來應龜煥二首

曲江新榜進士李君孝相卽吾同宗也聞喜

筵鄭晦而吟近體一首以示念拙和呈

挽李公亮鼎寅

南進士子雲崔進士景至南復來汶亭止時
則壬戌暮春既望也

乞得梅友來植階上二首

挽李持國鼎扶

挽崔孝如璫

謹次孫肅玉家傳雞川君 御賜三寶韻

次鄭進士晦而韻

弄孫歌

忍窩族父得藤木杖詠一絕以示念拙和呈

家有柏木杖仍復吟呈忍窩族父

從弟嚮五回甲吟四首

次曲江倅文會韻

詠懷示烏川童

挽權同知昌祚 進退格

挽蔡子文奎

次趙同知相抃回榜宴韻二首

挽李潭陽憲儒二首

挽李養重

挽鄭文希夏濬

挽李都事憲愚

次甲山孝婦閣重修韻二首

挽趙同知

丁卯三月三十日訪鄭南窩李常東弼於溪

堂一宿而歸於其別也畱贈一絕

次孫肅玉追詠玉山會韻并小序

又以別後思想之懷吟成一首添足

謹次屏庵盧公奉天殉節時韻

訪止淵溪堂畱贈主人南仲殷景義

丁卯除夜兒子病劇數日得差因吟一絕

戊辰六月以文會考閱事會玉院孫肅玉以

忌疾未參以詩寄悵惘之意歸後和呈

挽崔漆原心健

挽崔君常宗燮

挽東山孫丈五首

挽孫乃貞容九

擬梅湖孫公贈南寓庵體寄孫通判山甫

謹次雪坡翁換杖吟寄贈古風一篇

意猶未盡又呈一首

族弟祥應樹發挽辭

戊辰除夜次嚮五弟韻

次雪坡見贈韻

伏聞 元子誕降不勝喜抃詠一絕

次徐清汝活溪亭韻

挽金悅卿輝祖

庚申四月墜止淵翁以玉院洞主要余同宿

是時久旱之餘適有甘霖吟一絕以呈

是歲六月日同南仲殷暨諸友往橫溪時墳

簾集方就刊莊閱之餘謹次集中韻

次崔氏孝子公鍾洞壇祀韻

病起

卷第三

詩

鄉飲禮後次鄭季常韻呈府伯李公采二首

挽權都事昌益

次李之翰壽宴韻

挽權退之昌愈

挽李大憲鼎揆

挽金文邦潤

甲山會中次孫進士國甫鼎九贈別韻

挽權友

菊

紫菊

挽武陵族益燁二首

次崔景至白蓮亭韻

壬申元朝有感

懷孫肅玉

懷鄭季常

懷南仲殷

宗人李華宅於其先祖所植三槐下構精舍

要余賦詩為亭中故事吟近體一首以贈

次雪坡翁寄贈韻

挽權聖晦熙

挽鄭嘉山著三首

岳溪洪友某見訪臨別見贈一絕即次

次權明應宗洛韻

挽南子雲二首

梅花牡丹吟

同忍窩族父守歲

挽李國叟鼎岳

挽鄭晦而三首

挽權彝叙東範

止淵壽席二首

戊辰重陽日南仲殷與朴佐郎鼎元孫竹籬

秉魯會玉山僕亦與焉拈韻得陽字

挽南止淵

病後次李戚洛應見贈韻

次萬歸亭韻

月城崔氏於其先祖八友亭遺墟豎短碑止

崔景至詠近體一首要和念拙和呈

挽安瑛之璞重

挽李文朝範

挽李用晦

挽李汝敬曾範

挽洪文載文二首

挽崔仲蘊

挽李乃彬宜煥

次李參奉野淳寄贈良洞諸益韻

挽孫肅玉

甲戌春邁疥疾止及其稍間沉吟得古風五

十韻以道其憫鬱之狀

窮居老病又添疥疾獨與梅兄為伴吟一絕

挽李修撰元祥三首

自橫溪書社送墳麓先生文集詠懷二絕

懷鄭季常

挽崔景至

挽權虞卿東高

挽克難齋權士規濟敬

荒歲歎

次忍窩族父見贈韻二首

虎溪寓所謾吟示同棲權君文玉 瓚煥

次許貞簡公父子 旌閭時韻

次忍窩族父韻

乙亥秋李進士士溫鼎基以玉院首席止李

進士望道鼎儼又拈韻求和故并和以呈

避疹氣寓處于大洞故從弟嚮五家獨坐感

念詠二絕

次權義士遺事韻

客冬寓中與忍窩族父有唱酬韻族姪觀永

次是韻以獻而語甚悲苦止以是韻寬譬

李君之翰來訪畱近體一首遂次其韻

次李南廬望道贈鶴城李正郎觀吾韻

挽鄭立齋宗魯

次龍山書院 賜祭時會中韻

次聖山祠奉安時會中韻

次李洛應韻

忍窩族父有共會迎春之約以余適有疾未

赴因吟示一絕謹和呈

挽孫漢五星德四首

挽孫進士天弼星說

次孫乃遠弘九韻

挽李聖應鼎濟

次安國寺會中韻

次題雲住山韻

次耆老會韻

次雲谷會中韻

虎溪祠會中次李望道韻二首

虎溪文會孫兄乃遠有行聲而竟不至罷會

後以詩遞贈故次韻以謝

次李洛應韻

次蓮龜亭韻

次東湖書社韻

戊寅春有中樞加資之恩吟近體一首

感 恩歌

玉院會席口占二絕示座中

次崔子成 玉龍潭精舍韻

戊寅除夕詠懷

次李士仰鼎搢子舍聞喜宴韻

次孫君翼謨韻

次孫乃遠重牢宴韻

挽鄭季常四首

次李進士仲謙鼎益龜巖精舍韻

挽閔進士聖則闇二首

贈李洛應徵五奎鎮

挽權晚洲无悔以復

挽任持國萬濟

挽孫乃遠

次忍窩族父韻三首

挽崔翰汝二首

卷第四

疏

擬辭職兼陳所懷疏

龜岡書院請額疏

書

與鄭立齋

與金判書尚集

答俞明府漢謨

與尹方伯光顏

答李元述

答南子雲

答權太初

答權太初

上忍窩族父

答鄭晦而

卷第五

書

答孫汝翼尚諤致中基遠

答閔聖則

答南鳴應鳳陽

答鄭和之雲休

答鄭和之

答曹慶玉

答皇甫禕

答族弟勳甫運協

答族姪景應雲龍

與族弟顯甫運春

答辛公勉學成問目

答崔文玉璠問目

答族姪觀永

答族姪觀永問目

答族姪觀永喪禮問目

寄兒孝永

寄兒孝永

雜著

自警說

殺龜放龜說

後說

名從姪吉永說

名兒子孝永說

名族姪觀永說

皇極經世一集目錄

三

名從姪老永說

移居說

後自警說

訓子

心病錄

筵對日記

序

防意齋遺稿序

杏亭翁詩稿序

金後庵遺集序

卷第六

記

皇南殿碑閣記

三槐亭記

四而軒記

龍潭書堂記

醒翁亭記

東湖書社記

密城孫公父子旌孝閣重修記

孝婦李氏旌閭閣記

孝子月城金公兄弟旌閭閣重建記

烏石亭記

大村庄記

奉守庵記

跋

書進士龜溪崔公事蹟後

書鄭公行錄後後 贈戶曹佐郎

書孝子金公行蹟後

書處士孫公行錄後

書公友權太初答書後

書樂義齋李公遺稿後

書詠風亭李公遺事後

書柏巖金公行錄後

卷第七

箴

知非箴

銘

座右銘二首

懼庵銘

頌

鄉飲酒禮頌并序

上梁文

城北世德祠移建上梁文後陞號廣南書院
忠烈祠講堂重建上梁文

雲谷溪亭上梁文

祝文

先祖參判府君旌閭閣移建開基祝文

忠定公芝峯皇甫先生還安祝文

孝婦李氏棹楔重揭時告由文

祭洞神文

聖祖巖祈雨文

鶴川祠常享祝文

斗山祠金汶翁石堅奉安文

祭文

祭活山南公文

祭權公爾復文

祭鄭蒙巖文

祭蔡樊巖濟恭文

祭南子雲文

祭孫肅玉文

祭權虞卿文

祭內兄辛公冕周文

祭南仲殷文

祭三從祖孝初文

祭三從叔述賢文

祭族弟汝星樹東文

祭三從叔運賢文

祭仲從兄樹勳文

祭從弟嚮五文

祭族弟仁叟樹珍文

卷第八

哀辭

李敬五憲教哀辭

崔穉玉琇哀辭

成汝有鼎實哀辭

孫士言哀辭

李來仲復震哀辭

鄭極之七休哀辭

金尚浩哀辭

族弟仁叟哀辭

懼庵文集目錄
族妹權孺人哀辭

碑銘

巡察使金公魯應碑銘并序

御史金公學淳碑銘并序

墓碣銘

通德郎徐公墓碣銘并序

將仕郎金公墓碣銘并序

鄭進士麓魯翁墓碣銘并序

墓誌銘

族叔母孺人金氏墓誌銘并序

族弟處士君墓誌銘

行狀

成均生員好窩鄭公行狀

三從叔好古齋李公行狀

行錄

先考府君行錄

忍窩族父行錄

卷第九

附錄

遺事

墓誌銘并序

墓碣銘并序

挽詞

祭文

懼庵先生文集目錄

懼庵先生文集卷之一

詩

畫

梅梢老鶴立顧眄意何如萬里秋空闊飄然逸翮舒

逍遙

閒來無事步村墟春日清明小雨餘遠近風光都領
略草堂長晝且看書

夏日偶吟

炎夏虛堂午睡回清颺陣陣四邊來箇中老子都無
事臥看紅花日日開堂前有百日紅

下雞雛

伏雞時日久將子始成羣黃白纔交化雌雄姑未分
未論仁智德先見化成源不必求家利呼童護養勤

巢燕

白屋人誰到三春燕占棲捲簾便出入借壁任高低
可喜當簷語不嫌落案泥靜觀綉戶處終始用功齊

忍飢

我性疎慵飢固宜飢來莫若忍之爲細患一切人間
事羞辱多從不忍飢

挽農窩權丈爾麟

先子忘年契故家異姓親况兼同社好偏荷擊蒙頻
泣玉關時命耕田任素貧庭梧鸞鵠峙餘慶卜他辰

挽李臧五應奎東

謂君未敢死胡忍遽重泉祖服暮年內親闈百歲前
子淵嗟不幸伯道奈無傳臧記詞場契性安涕汪然

挽族叔速賢

我欲駕長風陟戲詒瑤皇有善未必慶有惡未必殃
驗之於吾公此理何茫茫天公若有意厥初降非常
平生真實姿得來非勉覆家庭盡愉怡宗黨推敦良
處已以沉靜接物無畦疆本地既耿介餘事兼詞章

揮手走龍蛇開口吐鳳凰弱冠遊文苑聲譽動州鄉
儕類視模範門戶倚棟梁謂宜假之年成就不可量
那知邂逅疾沉淹經二霜神鬼竟不仁靡效試青囊
三旬白駒隙一夜風燈忙猿腸痛斷寸鴈影悲失行
可憐閨裏孀結縞二載強哀哀三時哭行路猶沾裳
况復一塊餘非所望構堂宜豐反齋報宜壽還殄殤
誰謂天可必到此歸荒唐忽焉念疇昔有淚自滂滂
親雖叔姪分情與兄弟當公以吾稍長文義時確商
我以公多藝筆畫資潤光公憐我之孤我襲公之芳
無時不相隨無處不相將今焉嗟已矣萬事都止羊

最惜吾門內文運日凋喪先輩次第零後生迷向方
吾儕若干人聚首事文房從今更何爲便同失路俚
有時對道叔無意啓書緗嗟吾未四十人事悲黃梁
客春景綏逝看公涕盈眶去胡數月裏公又繼之亾
公亾嗟未幾五應遽北邙未知九泉下與之共徜徉
幽明既殊制卽遠已束裝攀紉不忍設回首問彼蒼
蒼穹竟不語曉月照西廂

奉別金府尹尚集

吾州王癸餘氓在牙纛重看自古家丘壑濟來傳手
段巷閭興起復弦歌深山正穩厖眠戶歸路應教鵲

擁車連世桐鄉偏荷獎離亭斜日感懷多

挽辛丈命社

早辭場屋卜間居竹巷蓮堂處士廬靜裏無關當世
事林頭時閱聖賢書康寧足令人咸羨仁壽從知理
不虛戚諛更兼先契重攀輒回首謾沾裾

挽李文文鐸

憶在童穉日我遭先君喪有客匍匐至慟哭拜靈牀
哭訖摩我首嗚咽言之長曰余乃翁友交諒非尋常
戚以叔姪講情與兄弟方覺堂花月夜荆圍風雨場
隨處共聯翩往事悲峩洋說來涕欬欬使我摧肝腸

于今三十載寤寐猶未忘夤緣獲出入粗得窺藩牆
本地既醇正餘事兼文章謂宜享遐福柰何多乖張
鵬圖失搏遠螟祝旋遭殤七莖休云稀五鬼終不祥
公猶不憾憾隨分自娛康樂彼三笑地蕭灑數椽堂
山靜水更清暇日聊翱翔末俗鮮有知小子偏仰望
竊喜者考德默祝享康強天神竟不仁耆舊嗟云亾
回首舊林泉滿目空淒涼柩前故人子俯仰謾徊徨
上為先契痛下為小子傷

送別曲江倅葉西權公禩 并序

曲江倅權公莅郡五載邑民謠誦又以其

崇儒餘化施及隣境吾州之士賴而興起
者彬彬然而樹仁被獎進亦多矣今於賦
歸之日謹詠一絕爲道州士悵惘之情兼
叙已懷云

清流應酌曲江潯千里歸裝澹一琴立望行塵同悵
悵隣州人士亦何心

挽崔進士 天翼

襟懷蕭灑出風塵餘事文章又逼真天昇聰明資
聖世地因偏窄老遐濱科名得小心還厭經籍窮深
味夏新貧且無兒人莫憾此翁睂睫不曾顰

挽李瞿軒 裕中

明活山光秋夏好夕陽回首憶公儀騷壇闊步曾追
伯蓮籍香名且付兒人世漸看先輩落鄉邦不盡後
生悲一聲巖露摧心處風詠亭高汶水湄

挽族叔觀臣

好箇江山好主人平生接物見天真可憐六八光陰
促行路何心涕滿巾

敬次湖叟公韻贈鄭若水

烏川家學有源頭忠義傳來板蕩秋孤城火聳千兵
勢斷麓詩藏萬古愁却將大樹將軍意仍作桐江處

士流褒獎 聖恩前後降風聲南國未應休

挽活山南公 龍萬

山待高人活景明清泉白石摠精神餘事文章傳奕
葉晚年真樂教羣英十目經綸虛素志六間身世謝
浮榮門閭慶弔何須說達識由來已忘情

次活山南公題先祖殉節事蹟韻

堂堂鼻祖烈昔我府君承尺劍衝西浦冠巾葬武陵
忠心天日皎義氣秋霜凝西望 君門隔屏孫感慨
增

旌贈日次館學諸生韻

忍言蛇豕逼京城退據南邊縱復橫先祖百年留實
蹟屏孫幾世泣虛瑩泉臺毅魄蒼天格 旌楔恩光
白日明遙望 楓墀稽首謝吾 玉萬壽共南溟

次藥南李文憲洛玉院耆老會韻并序

乙巳暮春藥南文偕四五長老會話于玉
山書院樹仁叨參是席沿溪尋芳盃酒團
圓亦勝會也藥南文醉吟一律索余和之
忘拙謹次

五老三百歲清遊一席同引觴浮大白攜杖玩千紅
別界忘憂樂浮生任塞通仁堂相勉意卻憶同安鍾

安幕洞煮蕨會卽席二首并序

乙巳夏以先祖 旌閭豎碑事伐石于安
幕洞吾社中諸員爲觀是役兼設煮蕨會
班荆列坐盃酒團圍遂忘拙口占以識一
時勝事

惜春春已去芳草更堪憐
麥氣浮晴日鶯聲帶晚煙
天慳太古石人訪武陵仙
滿酌須同醉塵纒輒易纏
洞在武陵山下

山中眞率會芳草綠陰辰
煮蕨羞瓊液班荆坐碧茵
清談聊竟夕白酒亂無巡
莫惜樽前詠茲遊未可湮

見石工斲石偶詠碑役時

斲得巉巖用短釘千敲萬打益求精
由來學問應如是不息工夫政有成

次玉山會中韻

春暮溪山集衆賢風流遠傲永和年
鏗鏘瀑響何須瑟平鋪臺盤不用筵
景物應爲詩句助幽懷足以酒
盃宜仙區好會吾無分其柰匡牀一疾綿

次地主林公濟遠盤龜臺韻

冠蓋紛紛絡一區鮮知民瘼等閒遊
分明太守如傷意物外江山到底憂

憶從弟嚮五樹福

半世萍蹤已可憐
晚來鰥狀更凄然
嬰孩滿室將誰
哺甌石無儲未繼
饘患難極知相別
苦貧窮那得至
情宣脊令詩句吟
哦久謾倚書牕
白日眠

謹次徐參判仁忠贈職慶讌韻

丈夫提劍誓蒼天
十八人中倡義先
氣化虹霓撐北
極身為保障抗南
邊 恩褒泉路增三
品公議儒林
待百年樹立風聲
從此大不須麟閣
畫圖傳

訪安國寺仍上西菴乙巳夏嚮從在幕谷邁

疑疾余與從兄入救向減後遊歷山寺以紓

懷

笑他奔迸跡仍得訪禪扉
鶯語清人耳花香上客衣
煙霞曾有癖遊歷可忘機
雪衲高僧在相留更未歸

又呈從兄樹勳

昆季衰年樂逍遙并短筇
仙區疑世外佳節是天中
萬事皆吾分前程任化工
何時蘇病弟談笑與之同

丙午元朝有感

居然四十八春秋人世光陰水共流
我蔚平生孤露恨萍蓬骨肉別離愁
任他分劑蒼天定羞我經營半道休
衰懶如今宜閉戶且令兒子免裾牛

次虎溪書堂韻

天爲間人限別區愚溪不妨遠王都竹園喜聽幽禽
語桃岸恐教俗客呼泉石尚依先輩跡軒楹畱待後
昆扶藜筇十里頗來往滿壑風煙摠憤吾

次申義士虬年行蹟韻

醜類憑凌左海疆丹陽孤節并睢陽血痕草莽畱餘
恨氣作風霆掃不祥九夜潛光公議鬱百年遺躅野
人傷由來顯晦關時運早晚 天門聖澤湧

挽孫亨甫應龜二首

江湖梅落春無痕雪裏寒叢生古根風撼瓊枝飄葉

葉餘香消歇月黃昏

端陽時節送君歸黃鳥嚶嚶芳草菲十里江東雲樹
恨五夏殘月夏依依

釜谷煮蕨會二首并小序

去年夏煮蕨于安幕洞今年又設是會于
釜谷眞率之趣一如去年又吟二絕

雨歇江郊芳草齊綠陰深處黃鸝啼山肴白酒優眞
趣天際輕雲日未西

煮蕨烹鮮興有餘江郊物色雨晴初年年此會眞奇
絕夏夏佳辰每不虛

懼庵文集卷一
次權君昌植山齋韻三首

離羣何必訪衡廬愛此溪山興有餘
滿篋圖書按古蹟小牕梅竹護幽居
烏啼花塢青春暮庵睡茅簷白日舒
長在水聲松籟裏是非人世不聞諸

晚計都將付草廬蒔花種竹不求餘
林泉可是從吾好龜策何煩卜所居
山色好看楓欲醉岸容先訪柳將舒
閒中四序無窮興爲向斯翁細問諸

三笑遺墟處士廬縛茅編竹數間餘
柴門晝永誰來往石榻風清任起居
枕下幽泉寒夏綠簷端宿霧捲還舒
年來我亦尋閒界一半青山欲乞諸

挽鄭蒙巖煇六首

卓爾昆峯行業高儒林百歲更誰踈
幸看趾美賢孫在君子家聲不寂寥

文章餘事未須論眞箇工夫靜裏存
聞說青衿相聚語吾鄉師表有蒙軒

蓮籍浮名在少年桑榆餘景付殘篇
煙霞洞裏逍遙興成就羣才樂又全

誰將琬琰薦明堂卅載林泉鏜寶光
抱負終然歸寂寞空畱殘藁篋中香

高門頻見棟梁摧魯宇先公又夜臺
獨有白頭常友

在相逢知舊說悲懷
松下年來未問童自憐蹤跡世憂叢冠巾邈矣成千
古回首霞岑碧數峯

不如澗閉戶二首

素性吾虛弱出門易見傷暑寒多酷患風雨或乖常
跋涉勞膂力驅馳撼腑臟不如澗閉戶無事對書絃
素性吾惟恟出門柰不安山林憂虎伏江海畏螭蟠
履險沮神色臨危凜肺肝不如澗閉戶端坐整衣冠

病裏惜春

惜春春已暮調病病猶遲紫玉山澗處杜鵑花幾枝

春日遣懷

西疇宿麥尚遲黃近日寒廚煙不揚莫笑吾儂生計
拙清貧元是士之常

梅二首

皎皎清輝雪裏春百花頭上獨精神看來莫認西施
白玉色分明是伯淳
清臞枯淡隱人流浮世榮華爾豈求自是東君憐介
節慇懃用意百花頭

謾興寓大朴時

山窩無事坐天日夏清明兒隔竹林戲蟬藏松樹鳴

耕夫埋野色溪女送砧聲此地多幽興欲語卻忘情

挽徐丈

平生詩酒好風流第一江山竹樹幽斜日故亭人不見晚楓蕭瑟白鷗愁

次無名翁崔文柱秦暗谷溪亭韻

千秋名顯柳溪愚何事英靈忽被誣竹塢長親幽鳥語苔扉遙隔俗人呼暗中十目森神鬼刀上羣編列唐虞須識日章君子德工夫只在不欺吾

吾所居屋子歲久頽廢而謀拙未葺丁未秋族父進士公鳩材指畫俾構數架于正寢東

諸親無不合力纜一朔幾至斷手聊倣古人屋未就詩先成之意詠一絕以道懷

門親憐我老無居爲結三間小草廬從此晚年養足明牕靜几好看書

青蓮菴與權進士太初運標夜話占燈字相

和

蕭灑山牕暎佛燈良宵兼得對良朋五更興味千峯月一片襟期萬壑冰談笑可令忘世慮詩思不必較才能衰年漸覺無餘事甘作人間粥飯僧

翼日夜李孟涵鼎容又來同話用前韻以示

青眼重開一點燈山房添坐百年笏中宵興味清於
水半世塵愁渙似冰窮道尚堪安素分明時還自媿
無能偷閒數日同吾黨笑殺東坡話院僧

是夜又與太初用魚字韻述懷二首

平生空作蠹書魚神舍荆榛苦未鋤一部西銘真實
理擊蒙千古有橫渠

尚父當年去釣魚鹿門曾亦荷田鋤丈夫隨處多真
樂奔走名場可笑渠

三綱祠奉安日謹次先輩韻

何處荒原劒血痕山河壯氣苑干雲睢陽只有忠臣

蹟綿竹猶無烈女覓爭似一家三節卓同扶千古大

綱尊 旌恩享禮終無憾光寵非徒李氏門

朝起見積雪詠懷

朝來推戶見白雪滿乾坤安得此爲米炊煙遍萬村
時歲荒民飢故及之

遣懷

行年今半百身世儘悠悠計拙全無事家貧或寡尤
靜中應有趣分外更何求茅屋垂新剝村童是我儔

懷友人 回文體

日又日日又日君思我我思君極眼望望眼極雲外

山山外雲

丁未三月自巡營特念文武科生進之最貧者給米以濟之僕亦與焉笑詠一絕

平生志業太虛疎小得科名負我初荒歲始知稽古力數包倉粟到窮廬

見前路走市人馬有感

爲是浦場百貨堆紛紛人馬日相催若令趨義皆如是三代民風可復回

詠屋後柿木

屋後古柿木先人手所植托根并桑梓亭亭高且直

陰清可休憩實甘可摘食邇來數十年空帶憔悴色
風霜謾搖落鳥雀不棲息兀然餘數株摧剝亦已極
老幹尚有皂庶幾復生殖碩果理必回何爲長惻惻

次蔡光汝

墳蒼落成韻二首

雲仍追孝在思成霜露松楸感易生堂構百年瞻有
覺祖靈邇處聽無聲山房夜靜尋遺籍花樹春深叙
至情堪歎此生纏世累落筵曾未稱華觥

百年丘墓肯堂成夙夜應無忝所生門對松楸時物
色樓宜絃誦故家聲藏修不爲偷間計規畫專由報
本情早晚遊筇尋邃壑山齋春日酌溪觥

饑歲窮春憶從弟

長時離索已傷神，荒歲生涯柰值屯。
鰥屋有無誰甞，勦客鄉求貸倍酸。
辛嬌兒索飯，聲應苦穉女憂糧。眉
更顰，寄矣貧居兼有室，不須長歎老兄貧。

課兒初學

閒中無事業，朝暮課兒書。量力參多少，隨時適卷舒。
不憂唇舌弊，惟冀聽聰疏。莫若平心氣，從容善誘渠。

見老翁老婦摘麥 古體

翁婦相攜筐，田中摘麥穗。自言朝未炊，男去西疇事。

東都懷古和李用晦養吾韻

徐伐雄都陳迹成，至今遺址但傳名。
寒星虛照荒臺榭，半月猶依舊郭城。
四十王朝人盡去，一千年事鳥相鳴。
夕陽孤客遲驅馬，何處風傳玉篴聲。

次金進士龍翰韻

一別居然四載餘，逢場握手意何如。
壯年易遂團圓圖，好衰境旋悲音信疎。
憐我窮廬纏俗累，羨君清案滿羣書。
佳辰得與良朋話，泥路吾行也不虛。

次成興海大中詠花藏幽居韻

數間精舍敵高樓，十里風煙一眴收。
千卷詩書閒契活，滿園花竹自春秋。
莫嫌人世浮榮晚，剩得林泉景

物幽滾滾兀塵吾未脫羨君眞趣似丹丘

次鄭忠臣大業丙子赴亂時遣家人詩韻

壯士忘身板蕩時長歌激烈鬼神悲忠誠只爲邦家
急行色肯因妻子遲隻手綱常能自任專城符節所
難爲千秋不盡英雄淚易水人還未有期其遺書有
易水不復還之語

滯雨客舍遣悶

一雨關人十日連無端旅舍坐頽然愁聽屋角懸流
聒忽見源頭暴浪濺母使客心生熱火恐教村裏斷
炊煙也應輕發多顛沛留待天晴道路平

奉別金巡相尚集韻

南土頻年饑 明時每遣公汶波滾滾澤清閣夏觀
風治政光前躅仁聲溢老癯藩宣纔半歲 恩譴自
皇穹千里芒轎冷三庚火傘紅桐鄉偏落茅屋有
恹恹月課曾優獎春巡復軫窮棠陰期永庇華蓋去
何忽葵烟天應鑑霆威日豈終歸情猶愴愴別意奈
忡忡卻歎虫懸鵠未堪蠅附驄願須經濟手協贊
聖明聰推此一方惠俾吾八域同寒蹤長受賜耕鑿
頌洪功

避暑乘月夜行和孫肅玉星岳韻二首

午憩青林下黃昏帶月行炎威那逼爍心氣自澄清
澄淨看天色潺湲聽水聲不須窮夜興且待曉光生
苦待隆炎熄乘昏并轡行月華同晝白夜氣勝秋清
幽咽草虫語驚飛水鳥聲看看村店近燈火隔林生
季夏望來到墳菴權君太初見訪仍吟一絕

索和

六月紅炎擁小齋衰翁懷抱鬱難開故人適與清風
至起坐推牕爽氣回

奉呈八峯李文憲沈三首

無極太極非兩截不容分別後先評也知周子言無

意祇恐人間認有形

卻把有無分作二伯陽談道入荒唐慙懃辨說開來
學千古真儒有紫陽

一毫一息無空間太極先天夏後天若道晦冬爲太
極其無太極晦冬前

見童子捕蟬

飲露蛻塵殼淡棲在碧樹祇緣聲聒聒見捕童子手

挽權文爾鳳三首

契中人事變滄桑先輩年來次第亾哭盡公家伯仲
季如今誰復丈人行

早謝荆園結草廬呼僮耕野課兒書尚平至願終難
遂千古泉臺恨有餘

親忘異姓契忘年咫尺村庄杖屨連卅載人間瞻仰
意秋風垂淚立荒阡

夏日北牕對客詠清風

蕭然茅屋日長時客至元無可療飢賴有清風當好
饌餉君終夕自忘歸

次商山祠奉安時韻

綠林曩客亦聞知高士風聲下世師山爲綺翁傳舊
號人忠孺子起新祠一生忍默存心事二字睡聾想

德儀從此南鄉崇祭社九重恩典更何時

戊申元朝五十吟四首

五十無譽與衆同平生志業已成空雖然五十猶非
晚九十而箴有衛公

伯玉行年五十時能知四十九年非莫嗟五十吾年
老四十年非細細思

童心依舊我無知五十知天敢自期惟是貧窮驅不
得吾無奈矣且安之

重華五十慕猶滾大孝終身赤子心忘卻劬勞吾未
報鬢邊秋色已相侵

贈金正郎復仁行中正郎忠州人卽泮中從
遊之舊而別後登大科又爲蔡樊巖伸救疏
名動士林時適南遊來訪而時余病未得送
別以詩贈行

芹宮一別幾年經匹馬行裝春日清溟海忽驚鵬已
擊朝陽爭賀鳳先鳴炎涼向背羞時態山水東南適
素情憐我匡牀違送別紫溪煙樹恨難平

病疽詩

此生多疾疾如何背又疽男陽氣屬背絡皆關於
轉側自不任回顧那得視叫伏在匡床暗暗患所致

人言積忿懷往往崇此病亦云血或滯毒氣乃所履
自顧無怨怒直緣失調攝卻憶初發時微細如粟粒
不覺一搔爬手爪還自傷是時數點灸消毒可無妨
不忍一時苦馴致漸成腫粟粒變柿子濃爛不堪痛
治方百其端取舍令人惑隨聞輒欲試無效還肆毒
莫如慎所聽良餌收十全推患世間事所忽多生瘡
滔天自涓流燎野起爍火曷若慎厥始防微絕其禍
苟憚暫時勞細憂終自大救患亦多方輕信還有害
誰知一背腫堪爲世患戒作詩聊自警庶免他時悔

閉門

閉門緣一疾能得靜而虛只惜春光謝不妨人跡疎
假眠須短枕消寂有殘書習此如成性何曾羨隱居

贈族弟道叔樹敏二首

毒瘡與毒感同病倍相憐尺地還千里三旬便一年
良辰春欲暮清夜月方圓此際無聊意沉吟坐兀然
病魔偏作苦衰老更堪憐虛度重三日無聊半百年
藥色須擺脫花樹共團圓分劑知應定何為慼慼然

經霖客舍歸路入東江書院

強穿泥濘路來上濯清樓雨後江山興憑欄對白鷗

挽李定叟憲鎮

滿庭梅菊滿牀書料理茅堂樂有餘人事滄桑容易
變忍看他日草生墟

病起惜春去二首

騷客病纔蘇江山春已去惜芳無限情林鳥向人語
莫嫌春色去晚興亦堪誇軟綠清和節勝於紅紫華
入玉山敬玩遺跡有詠六首

莫以觀魚處認爲濠上游天淵無限趣應向此中求

右觀魚臺

澄盤明似鏡雲日共徘徊靜裏尋源處看他活潑來

右澄心臺

世人一點垢不染幽人纓猶向碧溪上朝朝濯更清

右濯纓臺

識得盤銘義臺名乃可知洗心猶浴體日新又新之

右洗心臺

昔年龍臥處巖闢自成湫未作商霖恨石泉鳴不休

右龍湫

下湫深幾許俯瞰惔心息幽獨戰兢意須看百尺危

先生詩有日幽獨危微倍戰兢

右下龍湫

五月初共客入玉山

來此溪山不厭頻百番尋玩百番新行穿綠樹當湫

坐便覺曾襟滌舊塵

遣寂

衰年何所事長日苦難消未習田疇役不關城市囂
酒盃非素嗜碁局尚無聊案上詩書在猶堪遣寂寥

寓中謾吟

擺脫塵纒強入山入山三日破愁顏誰知癘鬼鴟張
處驅遣斯翁反得閒

喜晴

十日陰霖苦今朝霽景鮮千山開宿霧萬里豁青天
得意高低鶯和鳴遠近蟬定知當夜月光彩倍嬋娟

挽李孟涵二首

詩禮家庭豈弟人可憐埋沒北邙塵浮生半百猶非
夭其柰高堂八十春
黃髮垂垂獨倚門悄然猶待問晨昏為傳賢季多方
慰莫向庭前帶淚痕

挽李參判憲默四首

故家玄冑 兩朝臣三達俱全五福均今日哭公無
限痛 楓墀誰復老成人
青年高策駟駢駢歷覽中州萬里歸移得薊門煙樹
闕雲衢步步坦而夷

由來貴不與驕期貴到那時驕自隨佩玉頂金榮已
極人言公似布衣時
從古箕都粉黛場男兒到此少剛腸春風五馬西游
處無數江花謾自香

挽李進士大集鼎勳

名家八葉士林秀詩禮餘風不寂寥雅趣幽蘭香馥
馥清儀瘦鶴影翛翛人間名止紅蓮籍驢背吟高白
雪橋汶上清遊誰與共可憐明月透寒寮

重五日權正郎益謙應範崔正言仲蘊璧要
不佞與吾進士族父作玉山遊一宿而還聊

吟一律

好是天中節攜朋到玉山行穿林影嫩坐帶水聲潺
塵世曾無暇仙區暫得閒高樓清夢罷日晚遲遲還
訪東山孫丈升九翼日爲雨阻夏留一日
偷閒三日訪詩仙惜別明朝意惘然賴有天公知此
恨滂沱好雨小留連

挽徐舜甫

二首

俗態滔滔競外華如君醇質世無多偏嫌福善難兼
羨多子而康壽未遐

長憶君家近洞天有時覓夢水雲邊他年短策尋真

路松鶴爲誰報客先

挽李文鼎宅

故家常棣並聯芳眉白風儀見最良詩禮自來傳軌
範聰明元是出尋常科名有數歸年少亭趣無爭遣
日長望重儒林稱巨擘運衰門戶惜摧梁人間未閱
三年制地下應隨仲氏藏忍見諸孤垂血淚空餘二
弟割肝腸平生虛擲桑蓬志畢竟同歸草木場稠疊
一堂賢從憾寂寥吾黨丈人行六旬未足爲仁壽三
子須看積善昌哭送靈輻重九節階前殘菊爲誰黃

挽族叔翼龍二首

武班儒者味今世古人流跡阻青雲路身閒白鷺洲
墳麓平日樂鰥獨暮年愁未與孤孫設九原餘恨悠
吾宗百世親南北若干人族鮮情采篤居分意更新
先行凋欲盡後死痛無垠寥落古亭在徘徊涕滿巾

兒病

無端兒子病難狀乃爺心獨木橋邊過千尋壁上臨
猶甘分苦痛那忍見呻吟念昔吾多疾貽憂父母淚
耆老嗟無幾鄉隣賴有公沉凝長者度醇質古人風
俎豆追先孝芝蘭種德功遽然天不憖誰復眷愚蒙

挽權丈爾復

庚戌元朝遣懷

冉冉光陰半百餘今朝又是一年初生涯淡泊三間
屋志業蹉跎萬卷書人世幾多崎險路天真須葆等
閒居年來老漢都無事時對迷兒卜魯魚

吟示李童君實二首

愛君聰慧夙成才齟齬離庭負笈來始覺人師爲患
大庸工無乃誤奇材
學業須從幼少年清流豫導出山泉區區章句還餘
事童子眞工灑掃先

尋道德菴翼日遇雪

竹杖尋春春尚早山中未見一枝花天翁嫌我詩情
沒頃刻能開萬樹葩

懷忍窩族父述賢時以事在京

千里經冬又半春望望懷思定酸辛卽今世路羊腸
險須早歸來好覲親

聽村翁話舊

黃髮老翁坐落暉向人能說少年時眼前人物渾遷
變惟有青山是舊儀

挽李審窩敦中

詩書傳祖業聲譽自齟齬笑言人不厭詞章世並驚

五旬纔免天三子未俱成最惜邛山路淒涼處士旌

挽李小峯憲銓

風韻寥寥古審軒庭傍玉樹一枝存青氈有譽能傳
寶白璧誰憐又抱冤暮境皆甘應不樂終天血淚尚
餘痕年來雲樹無窮恨新起何山數尺墳

省先妣墳塋

一設慈顏四十年夙宵心目每依然不惟大孝終身
慕孤露人間血淚漣

摘新麥

老妻攜筐立摘麥後園田欲待齊熟取數日柰如年

所媿爲家長生計太屯邅猶爲勝未炊相對且怡然
白沙崔公墓道豎碑之日後孫翰汝杜範有
韻語追聞和呈

鄉先生可祭於社沙老吾知其在新一家爲政常行
盡盛世求忠異數空儒林矜式寧無地香火尊崇合
有時子姓百年不匱孝須看墓道起豐碑

乞梅

蝸屋新移杜巷西老夫端合寂寥棲交遊已向人間
息卻憶西湖處士妻

種梅後次權翁韻

竹君本與梅兄隣霜雪高標總可人寄語竹君君莫
怨明年取醉待佳辰

庚戌八月 朝家設慶科東山孫丈與鶴城

李用晦相逢於玄風試邑詩酒團討無舉子

奔忙之態不佞適至次用晦韻并呈東山翁

東山詩酒老匹馬更何求爲覩 邦家慶渾忘塵世

愁江山畱太古風月選中秋得失還餘事荆園莫競
投

和藥南翁太平感 恩歌并序

在昔唐堯之世有康衢老人作擊壤歌歌

太平曠百世無和之者惟我 聖上太平
之十年庚戌 王世子誕降朝野共懽抃
上以 宗社莫大之慶 特先優老之
典時藥南李公以朝紳耆老與焉公蓋早
舉司馬仕十年餘歸老于家以短策蹇驢
逍遙于藥山之厓康村之衢詩酒以自娛
蒙 恩之日韶顏白髮玉佩緋帶百拜感
聖恩作太平感 恩一章以歌之直與
古康衢歌越千古并其美真盛矣哉雖然
康衢之歌忘之也公之歌感之也忘之者

無心而感之者有患則公之歌得無異於
康衢之歌乎噫何傷乎彼康衢之老不過
耕鑿之一野叟公則既祿于朝又蒙超資
之典生老太平之樂不但耕鑿而已則雖
欲忘之得乎此康衢之所以忘而公之所
以感之也而况太平聲氣之感俱是自然
而然則忘之與感之夫孰非不同而同者
乎至如童子粒烝之謠亦有所不能忘者
則歌自樂其樂也忘不忘又何必同顧余
小子亦生長於今世之康衢夙在童子之

列者也敢忘僭率叙公作歌之意因以和之

粵若唐堯太平世康衢老人歌太平唐堯太平百代
後復覩 吾東時運亨試聽藥山太平歌何似康衢
謠鑿耕維年上章 聖復降繞井祥光萬目矐朝鮮
國本勢鞏固直與華岳埒重輕 宸心欲答上下
喜優老 恩數綽有贏黃金白玉瑞 聖世楚人休
誇丹竇萍是時藥山老矐仙七耄之年少年精瑩臆
讀破萬卷書赤幟駭壇曾主盟牛刀十載試二縣鞭
撻不忍施黎氓年來歸臥故山下靜聽林泉猿鶴聲

紅塵遙隔洞裏天主翁風味十分清墨綬銅章已脫
卻依舊環堵布衣生風流詩酒任自適不信青蓮騎
海鯨有時蹇驢康衢村田歌野謳聊相賡人間悲歡
已相忘幸見 清朝王化成勻天雨露一時洽昨夜
光增南極星韶顏黃髮耀紫緋遙望秦京佳氣橫桑
榆倍切獻芹忱 聖世將何答 寵榮但願 聖壽
千萬年千萬年年長措刑瑤琴一曲感 恩歌夏雲
聲聲金石鏗小子和歌歌已闕起看中天煙月明

茅屋

三間茅屋五年營梁桷生緇壁未成懶拙人間堪自

笑臥看林末鵲巢精

和權太初書堂十景韻

翠蓋亭亭遍一山竹筇隨處可盤桓清標不待凌霜
後看取鸞颺六月寒

右滿壑松風

谷口春光楊柳先迤邐嫩綠近前川河南千古逍遙
樂想像風輕日午天

右谷口陣柳

山木蒼蒼山鳥嚶嚶隨處自然聲聲剩得天機
活何必嘈嘈絲竹鳴

右樹裏鳴禽

淨似琉璃圓似彎川流停此不潺湲自在秋天明月
夜千年心法更誰看

右前川澄潭

平沙皓皓一洲開望裏明珠白玉堆看到夕陽落鴈

處箇中光景絕奇哉

右中洲明沙

十里長洲落晚霞沙如鷗白鷗如沙鷗邊漁蓑一聲
起雪翻分明向白波

右長渚白鷗

霏微煙起趁朝晴山下平郊點點生細逐輕風籠遠
樹俄看紅日照分明

右平郊朝煙

玲瓏朝日耀天東影入清江江水紅海上扶桑還不
遠分明只在此江中

右明波照暎

山上羣山疊出成懸知造物亦多情為嫌靜裏奇觀
少雲作千峯色色呈

右遠岫出雲

目下平平坦坦達前人行處後人隨為言多少行行者莫向崎嶇傍路歧
右道路行人

辛亥元朝遣懷

桑榆每惜歲華飄餞舊迎新又是朝膝下兒齡髻始長鏡中翁貌鬢先凋親勿遠近疎星點羣從東西落葉漂國步幸看盤石奠天時惟祝雨風調迂疎不與流年變持守恐為外物搖賴有詩書案上在且將吟諷遣無聊

敬次從兄樹德寓中見寄韻

擺脫塵囂棲碧山吾兄猶得暫時閒清齋自適煙霞

勝浮世非關道路艱身外虛名飛鳥過人間萬事塞驄還筆瓢活計何須病夫子當年獨許顏

題畫扇

林外蒼苔石逕斜騎驢騷客帶煙霞平湖十里虛舟在好向蘆洲得月多

次林明府濟遠春日吟呈別筵

數年琴鶴強淹留為紓東都薜屋愁千里客情多感目一春花事又搔頭幸看儒化騰絃誦胡遽童遊憶水丘他日北牕閒臥處夢魂應復繞南樓

次柳進士榮魯韻詠龜院檀香樹二首龜院

廟內有紫檀香樹頗挺秀枝條之內向者至廟簷廡皆倒頭回旋若勿輒然見者異之

霜綃一幅玉溫儀襯廟檀香亦可奇樹木無知猶覲

醉至今庭下倒枝枝覲醉講堂號

如揖而旋勿輒儀苾芬庭下紫檀奇儒冠倘忽尊崇地還媿蒼蒼一樹枝

清窩李公景漢墓碣改豎日吟呈姓孫會席天賦莊嚴百尺身生丁壬甲亂離辰忠誠并與勳名著孝謹終教福祿臻五世誰云遺澤斬百年重見顯劉新幽堂自此增光彩指點斜陽行路人

挽藥南李公

歎息東都運邇來甚屯遭凋零耆德老去去北邙顛活山還寂寞安溪空潺湲今公亦已矣不慙奈蒼天紫玉賢季宅孝友是家傳聰明出等夷華譽自齟年青春遊國學流輩莫之先謂宜鑿坡上絲綸筆下宣雲路何迢迢鵬圖失三千邃文終見憎命也抑何癘賢者需時用不必事高騫擢跡由草茅清班衛 胃筵牛刀亦少試游刃恢恢然歸來休老日間居與夏專藥山雲濛處鳩杖任躑躅有書長几案有酒混聖賢嶺東雖非所江山亦有緣忘情西河憾天和猶自

全高歌太平曲 君恩晚更鑄韶顏
暝紫緋爭道地上仙
悠然厭世囂 魁輪伴喬仝
逆旅應無憾 鄉黨最可憐
覺堂虛丈席 於何考德焉
以余愚駭甚 不爲長者捐
從來世誼好 雙胤共周旋
夤緣被容接 龍門在龍田
先祖衣冠藏 仙庄水石邊
時節頻來往 趨拜每不愆
從容承誨地 按閱古簡編
轉頭成陳跡 祖道丹旄翩
溪山花正闌 滿目春興牽
夕陽來小子 垂淚古堂前
攀紉不勝悲 荒詞題一篇

挽李都事時逸

佳期漸近菊花辰 疎雅風流憶故人
君恩幸早觀

光日府檄還遲 問寢晨羞從捷徑
要清顯甘守窮廬任素貧
孤露六旬公莫恨 庭鸞並峙碧梧春

癸丑立春日龜院會中和權太初韻三首

新春勝會伴同年 衰暮團圓不偶然
志業蹉跎中道轍 流光儻忽下灘船
三陽暖氣候緹室 百世溫儀挹苾煙
起視東天雲物好 豐徵相賀菜盤前

雲樹離懷倍暮年 一樽相對便欣然
應知杜老春朝案 猶勝蘇仙秋夜船
陽動葭灰消薄雪 月明梧樹捲疎煙
臨分握手重畱約 須趁韶光未暮前

老來何用祝新年 萬事吾儂任自然
長誦晦翁憂國

帖且燒韓子送窮船園梅吐蕊衝淡雪溪柳含情待
晚煙自此間人詩料足沉吟度了東風前

次孫肅玉贈李臧行真韻

富貴難將智力尋古人詩句爲君吟生涯莫歎無恆
幹寢處須思不媿衾分內有餘安宅地愁邊無幾好
光陰年來况得螟蛉祝膝下斑衣足悅心

欲赴親知約會坐無馬未果吟成一絕

窮儒代步苦難求運動殘骸可自由世路邇來多險
阻不妨跼伏謝交遊

次忍窩族父和汶亭會中韻

逍遙花外小車輪十二行窩處處春千古風流惟邵
子一生塵累奈吾身名區近隔如千里勝友何當會
十旬惆悵借乘猶未見佳期虛負上元辰

遣憫

隔牕風雪冷侵膚終夕無聊坐擁爐消遣間愁頻假
寐搜來佳句謾撚鬚荒年倍覺生涯窘暮境澗知世
路嶮無可奈何安素分任他鄉里笑爲愚

挽三從祖益初二首

吾祖同堂弟每如吾祖呼祇緣宗祀重偏恤後生孤
梁棟今還折門楣更孰扶爲先無限痛遷盡長房祧

小孫非敢議敦行竊嘗欽半世黃香扇十年姜氏衾
課兒騰譽早到老養精淡棹楔歸然在追先見素忱
赴親知約會歸後覺誤乘他騎為之一笑親
知之聞者有或傳笑謾詠數絕聊以解嘲
驢背詩情春日遲悠悠萬事付希夷歸來謾被傍人
笑跨下蹇蹄異去時
牝牡都忘三載騎叔敖恬淡未為癡真癡可笑還如
淡換卻他騎不自知

詠 御賜濟眾丹時癘疫遍行自 上命內
局別製丹遍 賜草野臣民

堯舜博施猶病諸吾 王聖德又賢於 山龍袖裏
靈丹妙惠我青丘億兆蘇

到汶亭偶吟

衝炎驅馬訪虛亭赤日初沉新月生侵夜倚牕仍不
寐為聽檻外小溪聲

深夜枕邊聞兒子誦書聲喜詠一絕

晚來滾恨未攜鋤貧鬼應隨案上書兒子誦聲猶喜
聽平生性癖未全除

謾詠

瀟落生涯歲大饑一旬能得幾番炊平生慣識安貧

字今日方為得力時

挽李正字鼎牧

悲號鶴髮怨朱衣多事渠頭點我兒名譽謾教司命
忌公然奪去我兒奇

挽朴汝明 熙百二首

年來知舊半凋零露簾嚮又一聲此別茫茫脩夜
隔人間何處更論情

移家南渡幾時回杜宇聲中白髮催葬近故山歸去
路首丘遺願未全乖

挽辛戚文貞

蕭疎苦竹傍山畦風致昂然不肯低詩禮剩傳先世
業水丘遙占別區棲人間萬事螟蛉祝身後三夏杜
宇啼孤露渭陽餘感在秋風和淚短詞題

題贈聞韶申生堪輿書卷末

青鳥家學世爭求禍福人間一指頭還恐此書真入
妙化翁權力一朝休

詠十月菊

十月東籬花正黃佳期莫恨過重陽孤芳愈晚愈奇
絕看取冬天傲雪霜

十二月朔考講後吟一絕

蕭然茅屋講筵開
八九童冠濟濟來
披卷從容論難處
卻念門外吏徵催

病妻織布

病妻憐我冷無衣
雪屋朝朝耐上機
學膝僅伸懸疋引
瘦腰半減帶弓圍
杼因臂涇揚還重
箴爲腸虛打夏微
強刮昏眸尋墜緒
頻呵凍指理殘徽
身兼井臼難專力
睇向簷牕每惜暉
終夕不多針尺量
盈旬應得剪刀揮
有媛豈是貧家望
無女堪爲暮境唏
苦待明年新婦入
老姑方是少休時

兒子加冠日有感兼示訓意三首

生兒苦晚見成人
孤露餘懷一倍新
可爾終身無至恨
吾衰猶幸在今辰
舐犢慈情幾望長
看渠七尺已軒昂
三加禮席還多媿
爲父吾無教義方
莫謂冠巾成得人
成人元不在冠巾
人能體得人倫道
然後成人方是真

帶兒子醮行馬上憶先人遺藁句語不勝感

懷先人元朝詩有吾年五十餘汝年今十二

恰過五六年始可見汝娶蓋以不肖未及成

長故憫然有是詩

白頭行色爲兒饒終日馳驅不說勞恰過五年先藁
語至今追憶血沾袍帶醮行俗呼爲饒客

懼庵先生文集卷之一

